

GARIS PANDUAN PELAKSANAAN PERINTAH FI (PERUBATAN) (PINDAAN) 2017

1. TUJUAN

Garis panduan ini bertujuan untuk menjelaskan mengenai pelaksanaan pengemaskinian caj bagi pesakit warganegara yang terkandung dalam Perintah Fi (Perubatan) (Pindaan) 2017.

2. LATAR BELAKANG

2.1 Kerajaan telah bersetuju supaya Perintah Fi (Perubatan) 1982 dikaji semula yang melibatkan perkara-perkara berikut:

- (i) kenaikan kadar caj pesakit Kelas 1 sebanyak 50% yang merangkumi caj wad, rawatan, siasatan dan pembedahan;
- (ii) kenaikan kadar caj wad sahaja bagi Kelas 2 sebanyak 25%;
- (iii) pengemaskinian prosedur dan caj bagi rawatan fisioterapi, pergigian dan radioterapi dan onkologi; dan
- (iv) pengenaan caj yang tiada dalam Perintah Fi (Perubatan) 1982 bagi perkhidmatan perubatan tradisional dan komplementari (PT&K), rawatan terapi cara kerja, terapi pertuturan bahasa dan perkhidmatan dietetik.

2.2 Selaras dengan itu, semua sistem pengebilan bil pesakit (*itemised billing*) di hospital perlu diubahsuai dan dikemaskini bagi memudahkan Unit Hasil hospital melaksanakan perubahan caj ke atas pesakit warga negara. Hospital *non-IT* dan klinik kesihatan dikehendaki untuk melaksanakan caj baru ini dengan merujuk kepada Jadual Fi dalam Perintah Fi (Perubatan) (Pindaan) 2017.

3. PELAKSANAAN

3.1 Perintah Fi (Perubatan) (Pindaan) 2017 adalah terpakai di semua fasiliti (hospital / institusi / klinik kesihatan / klinik pergigian) Kementerian Kesihatan Malaysia (KKM) yang berkenaan.

3.2 Pada peringkat permulaan, Perintah Fi (Perubatan) (Pindaan) 2017 ini akan **dilaksanakan** di 63 buah hospital seperti di **Lampiran A**.

- 3.3 Perintah Fi (Perubatan) (Pindaan) 2017 ini tidak akan dilaksanakan di 64 buah hospital seperti di **Lampiran B** iaitu hospital yang tidak mempunyai wad Kelas 1 dan wad Kelas 2. Justeru, caj yang dikenakan adalah berdasarkan kadar caj semasa seperti dalam Perintah Fi (Perubatan) 1982. Walau bagaimanapun bagi hospital yang mempunyai Jabatan Pesakit Luar Pakar dan menyediakan perkhidmatan rawatan radioterapi dan onkologi, terapi pertuturan bahasa, perkhidmatan dietetik, perkhidmatan perubatan tradisional dan komplementari serta rawatan pergigian, caj bagi rawatan tersebut hendaklah dikenakan berdasarkan Perintah Fi (Perubatan) (Pindaan) 2017.
- 3.4 Pelaksanaan Perintah Fi (Perubatan) (Pindaan) 2017 **ditangguhkan** di 17 buah hospital seperti di **Lampiran C**. Penangguhan pelaksanaan kadar caj baharu ini adalah sehingga fasiliti di hospital tersebut dinaik taraf dan pengenaan caj adalah sama seperti di Perintah Fi (Perubatan) 1982. Sehubungan itu, pesakit dalam yang menerima rawatan terapi cara kerja, terapi pertuturan bahasa, perkhidmatan dietetik dan perkhidmatan perubatan tradisional dan komplementari (PT&K) tidak akan dikenakan sebarang caj. Walau bagaimanapun bagi hospital yang mempunyai Jabatan Pesakit Luar Pakar dan menyediakan perkhidmatan rawatan radioterapi dan onkologi, terapi pertuturan bahasa, perkhidmatan dietetik, perkhidmatan perubatan tradisional dan komplementari serta rawatan pergigian, caj bagi rawatan tersebut hendaklah dikenakan berdasarkan Perintah Fi (Perubatan) (Pindaan) 2017.

4. KADAR CAJ BAHARU

4.1 CAJ WAD (JADUAL B)

4.1.1 Kenaikan caj wad adalah merangkumi wad Kelas 1 dan Eksekutif sebanyak 50% manakala kenaikan wad Kelas 2 adalah sebanyak 25% seperti di **Jadual B Perintah Fi (Perubatan) (Pindaan) 2017**. Tiada perubahan caj bagi wad Kelas 3.

4.1.2 Caj wad merangkumi Jadual dan Bahagian dalam Perintah Fi (Perubatan) (Pindaan) 2017 seperti berikut:

- (i) Jadual B, Bahagian 1: Wad Am
- (ii) Jadual B, Bahagian 3: Wad Psikiatrik
- (iii) Jadual B, Bahagian 4: Wad Eksekutif

4.2 CAJ BILIK BERSALIN DAN CAJ DEWAN BEDAH (JADUAL B)

- 4.2.1 Caj Bilik Bersalin dan Dewan Bedah adalah seperti di Jadual B, Bahagian 2, Perintah Fi (Perubatan) (Pindaan) 2017.
- 4.2.2 Caj Bilik Bersalin dan caj Dewan Bedah adalah dikenakan bagi pesakit warganegara Kelas 1 sahaja dan ditetapkan pada kadar RM120 bagi setiap kali kemasukan.
- 4.2.3 Caj yang dikenakan untuk Dewan Bedah sebanyak RM120 adalah hanya untuk prosedur bersalin sahaja.
- 4.2.4 Bagi kes pesakit warganegara Kelas 1 yang dimasukkan ke Bilik Bersalin dan kemudiannya ke Dewan Bedah bagi menjalani pembedahan caesarean, pesakit akan dikenakan kedua-dua caj bagi Bilik Bersalin dan Dewan Bedah.

4.3 CAJ RAWATAN (JADUAL C)

- 4.3.1 Caj rawatan seperti di **Jadual C Perintah Fi (Perubatan) (Pindaan) 2017** adalah merangkumi bahagian-bahagian berikut:
- (i) **Bahagian 1:** Rawatan Pesakit Dalam - melibatkan pengemaskinian caj Kelas 1;
 - (ii) **Bahagian 2:** *Accouchement* dan Bersalin - melibatkan pengemaskinian caj Kelas 1;
 - (iii) **Bahagian 3:** Fisioterapi - melibatkan pindaan keseluruhan prosedur dan caj daripada Perintah Fi (Perubatan) 1982;
 - (iv) **Bahagian 4:** Rawatan Radioterapi dan Onkologi - melibatkan pindaan keseluruhan prosedur dan caj daripada Perintah Fi (Perubatan) 1982. Bahagian ini turut mempunyai **caj rawatan kepada pesakit luar**;
 - (v) **Bahagian 5:** Nefrologi - melibatkan pengemaskinian caj Kelas 1;
 - (vi) **Bahagian 6:** Rawatan Psikiatrik - melibatkan pengemaskinian caj Kelas 1;
 - (vii) **Bahagian 7:** Terapi Cara Kerja - melibatkan pengenaan caj baharu;
 - (viii) **Bahagian 8:** Terapi Pertuturan Bahasa - melibatkan pengenaan caj baharu dan turut mempunyai **caj rawatan kepada pesakit luar**;
 - (ix) **Bahagian 9:** Perkhidmatan Dietetik - melibatkan pengenaan caj baharu dan turut mempunyai **caj rawatan kepada pesakit luar**; dan

- (x) **Bahagian 10:** Perkhidmatan Perubatan Tradisional dan Komplementari - melibatkan pengenaan caj baharu dan turut mempunyai **caj rawatan kepada pesakit luar**.

4.4 CAJ SIASATAN

4.4.1 Caj siasatan seperti di **Jadual D Perintah Fi (Perubatan) (Pindaan) 2017** adalah merangkumi Bahagian-bahagian seperti berikut:

- (i) **Bahagian 1:** Pemeriksaan radiologi melibatkan pengemaskinian caj Kelas 1. Terdapat tiga prosedur baru dimasukkan dalam Bahagian pemeriksaan radiologi ini, iaitu Pengukuran Tomografi Pemancar Kon (CBCT) gigi, 3D OPG dan Radiograf digital gigi yang melibatkan caj Kelas 1 dan Kelas 2;
- (ii) **Bahagian 2:** Ujian makmal melibatkan pengemaskinian caj Kelas 1; dan
- (iii) **Bahagian 3:** Siasatan lain melibatkan pengemaskinian caj Kelas 1. Terdapat tiga prosedur baharu dimasukkan dalam Bahagian siasatan lain ini, iaitu Kevitalan pulpa, Model Diagnostik dan Kerentanan karies yang melibatkan caj Kelas 1 dan Kelas 2.

4.5 CAJ PEMBEDAHAN

4.5.1 Caj pembedahan seperti di **Jadual E Perintah Fi Perubatan (Pindaan) 2017** adalah merangkumi Pembedahan Jenis A hingga Jenis F yang melibatkan pengemaskinian caj Kelas 1.

4.5.2 Klasifikasi pembedahan adalah sama seperti di Jadual I, Perintah Fi (Perubatan) 1982

4.6 CAJ PERGIGIAN

4.6.1 Caj pergigian dalam **Jadual F, Perintah Fi (Perubatan) (Pindaan) 2017** merupakan pindaan keseluruhan prosedur dan caj dalam Perintah Fi (Perubatan) 1982 dan turut mempunyai **caj rawatan kepada pesakit luar**.

4.7 CAJ PESAKIT LUAR

- 4.7.1 Bagi kes pesakit luar, pesakit hanya akan dikenakan caj rawatan hanya sekiranya caj tersebut dinyatakan dalam Bahagian yang berkenaan. Walau bagaimanapun, caj pendaftaran tetap dikenakan seperti biasa.
- 4.7.2 Bagi kes pesakit luar yang dirujuk oleh pengamal persendirian, berdasarkan Seksyen 12, Perintah Fi (Perubatan) 1982 caj bagi sesuatu siasatan atau rawatan yang dikenakan kepada pesakit tersebut adalah mengikut caj kelas pertama Perintah Fi (Perubatan) (Pindaan) 2017.

5. MEKANISME PENERIMAAN SUMBANGAN SUKARELA BAGI RAWATAN PERCUMA

- 5.1 Sebarang sumbangan secara sukarela di mana penjawat awam, pesara, Anggota Pentadbiran, anggota badan kehakiman dan Suruhanjaya yang mendapat kemudahan rawatan secara percuma di fasiliti KKM dan berhasrat untuk membuat bayaran boleh diterima oleh Unit Hasil hospital.
- 5.2 Warganegara yang hendak membayar bil rawatan melebihi jumlah keseluruhan caj rawatan yang diterima juga boleh berbuat demikian dengan memberi sumbangan secara sukarela.
- 5.3 Sumbangan yang diterima oleh Unit Hasil tersebut hendaklah dikreditkan ke dalam akaun hasil di bawah kod hasil 77403.

6. DEPOSIT KEMASUKAN KE HOSPITAL

- 6.1 Deposit kemasukan ke hospital yang perlu dibayar oleh pesakit adalah **kekal** pada kadar yang telah ditetapkan dalam Surat Pekeliling Bahagian Kewangan Bil 13/1982 – Bayaran Deposit Untuk Memasuki Hospital Kerajaan rujukan Bil (29) dlm KKM-58/903/1/1 Bhg 6 bertarikh 26 November 1982 dan Bil (35) dlm KKM-58/903/1/1 Bhg 6 bertarikh 19 Januari 1983.

LAMPIRAN A

Senarai Hospital Yang Terlibat Dengan Kenaikan Caj Kelas 1 Dan Kelas 2

BIL	HOSPITAL	NEGERI	PELAKSANAAN
1	Hospital Tuanku Fauziah Kangar	Perlis	<p>(i) kenaikan kadar caj pesakit Kelas 1 sebanyak 50% yang merangkumi caj wad, rawatan, siasatan dan pembedahan;</p> <p>(ii) kenaikan kadar caj wad sahaja bagi Kelas 2 sebanyak 25%;</p> <p>(iii) pengemaskinian prosedur dan caj bagi rawatan fisioterapi, pergigian dan radioterapi dan onkologi; dan</p> <p>(iv) penganan caj bagi perkhidmatan perubatan tradisional dan komplementari (PT&K), rawatan terapi cara kerja, terapi pertuturan bahasa dan perkhidmatan dietetik.</p>
2	Hospital Sultanah Bahiyah, Alor Setar	Kedah	
3	Hospital Sultan Abdul Halim, Sungai Petani		
4	Hospital Langkawi		
5	Hospital Kulim		
6	Hospital Pulau Pinang		
7	Hospital Bukit Mertajam		
8	Hospital Seberang Jaya		
9	Hospital Sungai Bakap		
10	Hospital Balik Pulau		
11	Hospital Kepala Batas	Perak	
12	Hospital Raja Permaisuri Bainun, Ipoh		
13	Hospital Taiping		
14	Hospital Teluk Intan		
15	Hospital Kuala Kangsar		
16	Hospital Batu Gajah		
17	Hospital Tapah		
18	Hospital Slim River		
19	Hospital Tengku Ampuan Rahimah, Klang		
20	Hospital Kajang		
21	Hospital Selayang		
22	Hospital Sungai Buloh		
23	Hospital Serdang		
24	Hospital Ampang	Wilayah Persekutuan	
25	Hospital Shah Alam		
26	Hospital Kuala Lumpur		
27	Hospital Putrajaya		

BIL	HOSPITAL	NEGERI	PELAKSANAAN
28	Hospital Labuan		
29	Hospital Tuanku Ja'afar, Seremban	Negeri Sembilan	
30	Hospital Port Dickson		
31	Hospital Tuanku Ampuan Najihah, Kuala Pilah		
32	Hospital Tampin		
33	Hospital Melaka		Melaka
34	Hospital Sultanah Aminah, Johor Bharu	Johor	
35	Hospital Pakar Sultanah Fatimah, Muar		
36	Hospital Sultanah Nora Ismail, Batu Pahat		
37	Hospital Enche' Besar Hajjah Khalsom, Kluang		
38	Hospital Segamat		
39	Hospital Pontian		
40	Hospital Kota Tinggi		
41	Hospital Sultan Ismail, Johor Bahru		
42	Hospital Tengku Ampuan Afzan, Kuantan	Pahang	
43	Hospital Bentong		
44	Hospital Raub		
45	Hospital Sultan Hj Ahmad Shah, Temerloh		
46	Hospital Sultanah Nur Zahirah, Kuala Terengganu	Terengganu	
47	Hospital Dungun		
48	Hospital Besut		
49	Hospital Setiu		
50	Hospital Raja Perempuan Zainab II, Kota Bharu	Kelantan	
51	Hospital Machang		

BIL	HOSPITAL	NEGERI	PELAKSANAAN
52	Hospital Duchess of Kent, Sandakan	Sabah	
53	Hospital Tawau		
54	Hospital Wanita dan Kanak-kanak, Likas		
55	Hospital Bintulu	Sarawak	
56	Hospital Umum Sarawak		
57	Hospital Sibul		
58	Hospital Miri		
59	Hospital Sarikei		
60	Institut Perubatan Respiratori	Kuala Lumpur	
61	Hospital Rehabilitasi Cheras		
62	Hospital Wanita dan Kanak-kanak, Kuala Lumpur		
63	Institut Kanser Negara	Putrajaya	

LAMPIRAN B**Senarai Hospital Kkm Yang Tidak Terlibat Dengan Kenaikan Caj Bagi Kelas 1 Dan Kelas 2 (Tiada Wad Kelas 1 Dan Kelas 2)**

BIL	HOSPITAL	NEGERI	PELAKSANAAN
1	Hospital Baling	Kedah	Sekiranya fasiliti mempunyai Jabatan Pesakit Luar Pakar, caj hendaklah dikenakan berdasarkan Perintah Fi (Perubatan) (Pindaan) 2017 bagi rawatan seperti berikut: (i) rawatan fisioterapi; (ii) pergigian; (iii) radioterapi dan onkologi; (iv) perkhidmatan perubatan tradisional dan komplementari (PT&K); (v) rawatan terapi cara kerja; (vi) terapi pertuturan bahasa; dan (vii) perkhidmatan dietetik.
2	Hospital Yan		
3	Hospital Jitra		
4	Hospital Sik		
5	Hospital Kuala Nerang		
6	Hospital Parit Buntar	Perak	
7	Hospital Kampar		
8	Hospital Gerik		
9	Hospital Selama		
10	Hospital Changkat Melintang		
11	Hospital Kuala Kubu Bahru	Selangor	
12	Hospital Tanjung Karang		
13	Hospital Banting		
14	Hospital Orang Asli, Gombak		
15	Hospital Jempol	Negeri Sembilan	
16	Hospital Alor Gajah	Melaka	
17	Hospital Jasin		
18	Hospital Mersing	Johor	
19	Hospital Tangkak		
20	Hospital Pekan	Pahang	
21	Hospital Kuala Lipis		
22	Hospital Jerantut		
23	Hospital Muadzam Shah		

BIL	HOSPITAL	NEGERI	PELAKSANAAN
24	Hospital Jengka		
25	Hospital Sultanah Hajjah Kalsom, Cameron Highlands		
26	Hospital Rompin		
27	Hospital Kemaman	Terengganu	
28	Hospital Hulu Terengganu		
29	Hospital Tumpat	Kelantan	
30	Hospital Pasir Mas		
31	Hospital Tanah Merah		
32	Hospital Gua Musang		
33	Hospital Tengku Anis, Pasir Puteh		
34	Hospital Jeli		
35	Hospital Queen Elizabeth, Kota Kinabalu	Sabah	
36	Hospital Queen Elizabeth II, Kota Kinabalu		
37	Hospital Lahad Datu		
38	Hospital Papar		
39	Hospital Ranau		
40	Hospital Tambunan	Sabah	
41	Hospital Tenom		
42	Hospital Kuala Penyu		
43	Hospital Pitas		
44	Hospital Tuaran		
45	Hospital Sri Aman	Sarawak	
46	Hospital Limbang		
47	Hospital Kapit		

BIL	HOSPITAL	NEGERI	PELAKSANAAN
48	Hospital Serian		
49	Hospital Lundu		
50	Hospital Saratok		
51	Hospital Mukah		
52	Hospital Kanowit		
53	Hospital Marudi		
54	Hospital Lawas		
55	Hospital Bau		
56	Hospital Simunjan		
57	Hospital Betong		
58	Hospital Daro		
59	Hospital Rajah Charles Brooke Memorial		
60	Hospital Dalat		
Institusi Perubatan Khas			
61	Hospital Permai	Johor Bahru	
62	Hospital Mesra Bukit Padang	Sabah	
63	Hospital Sentosa	Sarawak	
64	Pusat Kawalan Kusta Negara	Selangor	

LAMPIRAN C

Senarai Hospital Kkm Yang Ditanggunghkan Kenaikan Caj Bagi Kelas 1 Dan Kelas 2

BIL.	NAMA HOSPITAL	NEGERI	PELAKSANAAN
1	Hospital Beluran	Sabah	<p>Penanggunghkan pelaksanaan kadar caj baharu ini adalah sehingga fasiliti di hospital tersebut dinaik taraf dan penganan caj adalah sama seperti di Perintah Fi (Perubatan) 1982. Sehubungan itu, pesakit dalam yang menerima rawatan terapi cara kerja, terapi pertuturan bahasa, perkhidmatan dietetik dan perkhidmatan perubatan tradisional dan komplementari (PT&K) tidak akan dikenakan sebarang caj.</p> <p>Walau bagaimanapun bagi hospital yang mempunyai Jabatan Pesakit Luar Pakar dan menyediakan perkhidmatan rawatan radioterapi dan onkologi, terapi pertuturan bahasa, perkhidmatan dietetik, perkhidmatan perubatan tradisional dan komplementari serta rawatan pergigian, caj bagi rawatan tersebut hendaklah dikenakan berdasarkan Perintah Fi (Perubatan) (Pindaan) 2017.</p>
2	Hospital Keningau		
3	Hospital Kinabatangan		
4	Hospital Kota Belud		
5	Hospital Kota Marudu		
6	Hospital Kudat		
7	Hospital Kunak		
8	Hospital Semporna		
9	Hospital Sipitang		
10	Hospital Beaufort		
11	Hospital Temenggong Seri Maharaja Tun Ibrahim, Kulai	Johor	
12	Hospital Kuala Krai	Kelantan	
13	Hospital Jelebu	Negeri Sembilan	
14	Hospital Seri Manjung	Perak	
15	Hospital Sungai Siput		
16	Hospital Bahagia Ulu Kinta		
17	Hospital Tengku Ampuan Jemaah, Sabak Bernam	Selangor	